

Detencion di e tres hobennan a cay ayera mainta



ORANJESTAD (AAN): Relaciona cu e investigacion cual mundo henter ta sigui, tanto den medianan local y internacional, pa cu e desaparicion di Natalee Holloway, autoridad local a detene ayera mainta tres hoben.

E detencion cu e team investigador a haci den transcurso di mainta trempa a tuma lugar na Montaña y tambe na Hooiberg.

Tabata trata aki di un trio di hoben cu desde principio, segun e informe di polis, tabata den compania di Natalee Holloway, un damita Mericano cu a bin Aruba den un grupo di coleganan di su college na Alabama.

Na cas di un detenido a keda confisca un vehiculo y tambe




durante di e listramento e team investigador a bay cu otro articulonnan cu lo tin di haber cu e investigacion.

En total te na e momentonan aki tin 5 persona deteni como sospechoso den e caso cual tin di haber cu Natalee.

Asina autoridad a acumula cantidad di informacion!

Polis a keda vigila tur tres hoben pa mas di un siman largo



Aki por mira d.r.p.d. Satish, Joran, y Deepak, recientemente den Carlos 'n Charlie's.

ORANJESTAD (AAN): Hopi hende y periodista a grita, zundra, y puntra tur e dianan cu a pasa, di con e tres hobennan "di interes" no a worde deteni desde siman pasa? Hopi a puntra di con a laga nan bay den libertad? Hopi a puntra di con no a

sigui presiona nan pa mas detaye?

Tur esaki tin un solo contesta! Autoridad a bisa cu esey tabata pa motibonan "tactico".

DIARIO ta aclarea esaki, y informa cu simplemente Autoridad a keda "vigila" e

tres hobennan aki.

Den un informe exclusivo, awe porfin DIARIO por revela e motibo pakico esaki a socede. Esey ta cu cada movimiento di e hobennan a worde vigila di leu.

Esaki por encera tambe, e.o. tapamento di telefon di tur tres

hoben, incluyendo nan Celular y trafico electronico via Internet.

MONTON DI PRUEBA A WORDE HAYA

Autoridad di e forma ey a acumula un monton di prueba y informacion, pa asina porfin Diahuebs mainta 6'or tene un accion simultaneo pa detene e tres hobennan.

Nan a worde identifica como Joran van der Sloot, naci na Hulanda dia 6 di Augustus 1987, pues tin 17 aña di edad. E ta biba na Montaña.

E otro detenido ta Satish Kalpoe naci na Suriname dia 30 di Juli 1986 (di 18 aña), y Deepak Kalpoe naci na Suriname dia 6 di October 1983 (di 21 aña di edad). Nan ta biba na Hooiberg.

Durante e detencion, autoridad policial riba orden di Ministerio Publico a dicidi pa tapa cara di cada persona. Pero ya den oranan di merdia, e potretnan aki a cumunza circula riba website di noticieronan Mericano.

Di e forma aki, e caso di Natalee awor cu detencion di e tres hobennan ta haya un otro dimension.

Esaki por a saca afor for di e conferencia di prensa teni

Diahuebs merdia na Warda di Polis. E biaha aki por a constata cu tanto Fiscal Majoor Karin Janssen cu ta encarga cu e investigacion, asisti pa sr. Jan Van der Straten.

Señora Vivian van der Biezen vocero di ministerio publico tabata riba un liña y corto den nan contestanan. Manera ta conoci cu tanto prensa local y tambe internacional kier saca informe mas amplio posible.

Local Sra Vivian van der Biezen a habri e conferencia na unda el a duna splicacion amplio entre otro el a menciona cu Diahuebs mainta trempa a keda detene e tres persona cu anteriormente a worde scucha pa e team investigador.

Tambe e cas a worde listra y a keda confisca articulonnan cu lo por tin haber cu e investigacion andando. Riba un pregunta den sala pa kico a detene nan awor mientras desde principio nan nomber tabata worde menciona.

sr. Van der Straten a tuma palabra y a splica na prome instancionan nan tabata como testigo despues nan a bira

**sigui lesa
pag 45**